

佛學叢書

學佛捷徑

總發行所上海

靜安寺路
三十九號

醫學書局

學佛捷徑

無錫丁福保仲祐

余編纂學佛捷徑、既脫稿、乃敘其簡端曰、今欲離娑婆世界、渡生死苦海、而騏驥之騁長坂、鷹隼共由之大道焉。然未識其塗徑、往往問道於盲、引之泥淖、則陷泥淖矣。引之所謂捷徑者、非耶。於如盲人騎瞎馬、夜半臨深池者、有之。或如南轅北轍、愈趨而愈遠於目的地者、亦有之。此無他、皆誤入迷塗之所致也。學者於此得一大道而由之、則縱步所如、獨往獨來。若騏驥之騁長坂、鷹隼之下層霄、靡幽不探、靡高不陟。以直達於涅槃城、而有事半功倍之樂者、此所謂捷徑者、非耶。於是乎編學佛捷徑。楊仁山先生曰、修道之士、未證無生法忍、輪迴終不能脫。惟有淨土橫超一門、是出火宅之捷徑。又曰、由信而解、由解而行、由行而證、欲一生成辦、徑登不退、要以淨土為歸。此係最捷之徑也。印光法師曰、淨土法門、釋迦彌陀之所建立也。文殊普賢菩薩之所指歸也。馬鳴龍樹之所弘揚也。匡廬天台、清涼永明、蓮池、蕩益之所發揮、唱導以普勸夫若聖若凡、或愚或智、也。此諸菩薩大士於千百年前、早已為吾徧研藏教、特地揀出、此不斷惑業、得預補處、即此一生定出樊籠、至圓至頓、至簡至易、統攝禪教、律而高出禪教、律即淺即深、即權即實、殊特超越天然。

妙法也。觀此則知淨土一宗實爲學佛之捷徑矣。嗚乎。今之士大夫。大抵沈溺於聲色貨利功名富貴之中。爲入三塗之預備。余猥以一人區區之力。編纂是書。欲強曳之而驅之於入佛之捷徑。吾知言者諄諄。聽者藐藐。余亦不自量也夫。然必有讀此書而感發興起。勇猛精進。以專修淨土者。雖爲執鞭所欣慕焉。民國十年二月無錫丁福保識。

第一章 往生爲修行之捷徑

楊仁山先生與廖迪心書曰。足下爲塵勞所擾。不能專修。蓋由前生不求生西。遂致投胎轉世。無自主之權。惟有頂禮觀世音菩薩。求哀懺悔。持誦大悲神咒。消除宿障。自能稍遂本願。此時學佛法。不能求證道。若求證道。反遭魔障。但須專念彌陀。求生淨土。捨報之後。不受輪迴。若欲斷絕世務。方能學佛。則舉世之人。得出輪迴者。尠矣。我於二十六歲學佛。二十七歲喪父。擔任家務。十餘口衣食之資。全仗辦公而得。日日辦公。日日學佛。未嘗懈怠。至五十三歲。始能專求出世之道。然不能求現證。祇在弘法利生上用心。以爲往生淨土資糧。此是超出三界之捷徑也。若必欲參禪悟道。心如止水。亦不能免於轉世。足下偶得玄解。皆是宿習發現。證知前世學禪。不求淨土。以致轉世之後。不能自由也。

函中所云。收效於數十年之後。非也。一日念佛。一日往生。日日念佛。日日往生。無論何時。命根一斷。

即生淨土矣。何須數十年之後耶。

楊仁山先生與桂伯華書曰：足下嫌俗事爲礙，難得一心。鄙見當以四弘願爲本。時時研究佛法深義，徹見六塵境界，當體空寂一切煩惱，離世務，無非菩薩行。門念念迴向淨土，信口稱佛一句，孤孤另另，無依無傍，即是往生之捷徑也。若必待屏除萬緣方能修行，則佛法不普，恐千萬人中難得一二矣。

楊仁山先生與李澹緣書曰：念佛法門，欲得心心相續，先事一心，而後入理一心，非屏除萬緣，不可。然在俗者，此境難得。前此復端甫信內有無後心、無間心一段，用當念一句爲主，截斷前後際，是煩雜中念佛之捷徑。

楊仁山先生與馮華甫書曰：歸趣二字，不可含糊。發聲聞心，以初果爲入流，以無學果爲歸趣。是謂化城發菩薩心，以初住爲入位，以究竟妙覺爲歸趣。是謂寶所。若未至初住，總不能斷生死流，唯有淨土橫超一門，是至捷至妙之法也。不然，雖透末後牢關，稍有業識未淨，亦不免於輪轉耳。一入胞胎，前功盡失，再出頭來，未知何日矣。

楊仁山先生答某君書曰：十六觀經法與禪定迥不相同。蓋觀成得生，極樂上品入正定聚，修禪定者欲入初禪，已屬難之又難。況歷二三四禪，以至滅盡定而得聲聞果，但聞其語矣，未見其人也。所以闍下二十年之功，尙未脫落根塵，方諸祖師禪，遠之又遠也。以弟愚見，單就淨土一門用功，一生

淨土無法不通。豈非出世大英雄哉。

楊仁山先生曰。如來設教。萬別千差。末法修行。難進易退。有一普度法門。速成不退。直趣佛果者。卽念佛往生淨土法門也。漢時經已傳至東土。東晉廬山遠公盛弘此道。千百年來相傳不絕。宋永明大師有萬修萬人去之語。言之不詳。後人未知其方。今請演其說。以供衆聽。竊窺永明之意。深有見於淨土三經宗旨。凡具信心。發願往生者。臨命終時。皆仗彌陀接引之力。故能萬修萬人去也。然往生雖仗他力。而仍不廢自力。故以修字勉之。蓋生品之高低。見佛之遲速。證道之淺深。受記之先後。皆在自力。修行上分別等差。後世有專重自力者。令人疑慮不決。有礙直往之機。又有專重他力者。以致俗緣不捨。空負慈尊之望。二者不可偏廢。如車兩輪。如鳥兩翼。直趨寶所。永脫輪迴矣。

又曰。起信論末。提出淨土一門。爲超脫輪迴之捷徑。又曰。防退之法。無如念佛。生西不論何等根器。信入此門。便能直超三界。又與友人書。弟近日以念佛往生爲正宗。以弘法度生爲助緣。既無專師。但求不背經旨而已。又曰。凡夫往生。全仗佛力。而以自力爲階降之差。此千古不易之定論也。又曰。淨土一門。爲十方諸佛所共讚。十方菩薩所願往。下自凡夫。上至等覺。皆在其內。蓋凡夫心體。與諸佛法身。無二無別。若執凡境與聖境判若天淵者。則不能生淨土。以佛眼所見。是假名凡夫。是故生一佛土。卽生十方諸佛國土。豈世俗情見所能思議者哉。又曰。淨土法門。非大乘根器不能領會。故華嚴經末。普賢以十大願王導歸極樂。爲五十三參之極致也。至於觀經。在淨土經典中。尤爲超妙。

從凡夫地。修至第九觀。卽蒙佛授記。已入初住位矣。若禪宗。在唐時出現諸大宗師。皆是菩薩應身。非淺機所能企及。近代自命大徹大悟。爲人天師者。命終之後。難免隔陰之迷。隨業流轉。較之往生淨土。直登不退者。相去奚啻霄壤哉。

觀經是心作佛。是心是佛。二語較之禪宗。直指人心。見性成佛。尤爲直截痛快。何也。以見性難而作佛易故。何爲見性。離心意識。靈光迸露。始爲見性。故難。何爲作佛。持佛名號。觀佛依正。卽爲作佛。故易。經云。汝等心想佛時。是心卽是三十二相八十種好。豈非以想念於佛。卽爲作佛。耶。夫成佛是佛。理無二致。而見性作佛。難易相懸若是。豈非念佛較之參禪。尤爲直截痛快也哉。一是祖語。一是佛言。何重何輕。何取何捨。學者但當盡捨舊習。虛其心。平其氣。試一玩味而檢點之。當必首肯是說。爲不謬矣。(徹悟禪師語錄)

印光法師曰。心者一身之主。萬法之宗。順之則速成。菩提逆之則永沈。生死一切衆生。迷背本心。隨逐妄境。起貪瞋癡。造殺盜淫。輪迴於六道之中。汨沒於三界之內。久經長劫。莫能出離。汝旣發心。歸依三寶。爲佛弟子。須發菩薩四宏誓願。自利利他。四宏誓願者。卽衆生無邊誓願度。煩惱無盡誓願斷。法門無量誓願學。佛道無上誓願成也。須知此四宏誓願。乃三世一切諸佛誓願之本。汝於日用舉心動念。須令與此相合。若與合者。擴充令其圓滿。若不合者。斷除令其淨盡。然欲利他。先須自利。若非自己先出生死。何能度彼生死衆生。譬如溺於海者。不能救海中沈溺之人。如來所說了生死

法無量無邊。唯淨土一法、下手易而成功高、用力少而得效速。若欲卽生了辦、捨此末由。所謂淨土者、卽生信發願、念阿彌陀佛、求生西方極樂世界也。果能信願真切、一心念佛、至臨命終時、決定蒙佛接引、往生彼國。既得往生、則俯謝凡質、高預聖流。見佛聞法、證無生忍、神通智慧、不可思議。然後乘本願輪、迴入娑婆、種種方便、度脫衆生。如觀世音菩薩、應以何身得度者、卽現何身而爲說法。普令一切衆生、同出生死、同成佛道。方可圓證自己本具之妙眞如心。方可究竟契合乎菩薩四宏誓願、與阿彌陀佛四十八願、及普賢菩薩十大願王也已。

印光法師曰、修禪定人。

指四禪八定

及參禪人、以唯仗自力、不求佛加。故於工夫得力眞妄相攻之時、每

有種種境界、幻出幻沒。譬如陰雨將晴之時、濃雲破綻、忽見日光、恍惚之間、變化不測。所有境界、非眞具道眼者、不能辨識。若錯認消息、則著魔發狂、莫之能醫。念佛人以真切之信願、持萬德之洪名、喻如杲日當空、行大王路。不但魑魅魍魎、剗蹤滅迹。卽岐途是非之念、亦無從生、推而極之、不過曰念至功純、力極則全心是佛、全佛是心心佛不二、心佛一如而已。

印光法師覆鄧伯誠居士書曰、佛經教人常行懺悔、以期斷盡無明、圓成佛道。雖位至等覺、如彌勒菩薩、尙於二六時中、禮十方諸佛、以期無明淨盡、圓證法身。況其下焉者乎。而博地凡夫、通身業力、不生慚愧、不修懺悔。雖一念心性、與佛平等。由煩惱惡業障蔽心源、不能顯現。譬如大圓寶鏡、經劫蒙塵。不但了無光明、卽銅體亦不顯現。若知卽此全體塵垢之鏡、具有照天照地之光、用力磨礱、日

復一日積功不已。銅質自露。又復加工。光明漸發。光明雖發。磨礱更切。力極功純。垢盡明復。照天照地。爲世至寶。須知此光。鏡本具足。非從磨得。若非本具。從磨得者。磨磚磨石。亦應發光。又須知此光。鏡雖本具。不磨則永無發光之日。衆生心性。亦復如是。雖則與佛平等。若不改惡修善。背塵合覺。性具功德。永不能發。以本具佛性之心。識造長劫沈淪之業。苦猶如暗室觸寶。不但不得受用。反致受其損傷。可哀也已。念佛一法。乃背塵合覺。返本歸元之第一妙法。於在家人分上。更爲親切。以在家人身。在世網事務多端。攝心參禪。及靜室誦經等。或勢不能爲。或力不暇及。唯念佛一法。最爲方便。早晚於佛前。隨分隨力。禮拜持念。迴向發願。除此之外。行住坐臥。語默動靜。穿衣吃飯。一切一切。處皆好念。但於潔淨處。恭敬時。或出聲。或默念。皆可。若至不潔淨處。如登座或不恭敬時。洗浴等但宜默念。不宜出聲。非此時處不可念也。睡出聲。念不但不恭敬。又且傷氣。久則成病。默念功德。與常時一樣。所謂念茲在茲。造次必於是。顛沛必於是也。居士既能發露懺悔。於淨土法門。最易相應。所謂心淨則佛土淨也。然既知非又肯發露懺悔。必須改過遷善。若不改過遷善。則所謂懺悔者。仍是空談。不得實益。至謂欲心不貪外事。專念佛。不能專。要他專。不能念。要他念。不能一心。要他一心等。亦無奇特奧妙法則。但將一個死字。貼到額顙上。挂到眉毛上。心常念曰。我某人從無始來。直至今生。所作惡業。無量無邊。假使惡業有體相者。十方虛空。不能容受。宿生何幸。今得人身。又聞佛法。若不一心念佛。求生西方。一氣不來。定向地獄鑊湯。鐵炭劍樹刀山裏受苦。不知經幾多劫。縱出地獄。復

墮餓鬼。腹大如海。咽細如針。長劫飢虛。喉中火然。不聞漿水之名。難得暫時之飽。從餓鬼出。復爲畜生。或供人騎乘。或充人庖廚。縱得爲人。愚癡無知。以造業爲德能。以修善爲桎梏。不數十年。又復墮落。經塵點劫。輪迴六道。雖欲出離。末由也已。能如是念。如上所求。當下成辦。所以張善和。張鍾馗。臨終地獄相現。念佛數聲。卽親見佛來接引往生。如是利益一代時教。百千萬億法門之所無者。吾常曰。九界衆生。離此法上。不能圓成佛道。十方諸佛。捨此法下。不能普利羣萌。者此之謂也。果能生死心切。不生一念疑惑之心。則雖未出娑婆。已非娑婆之久客。未生極樂。卽是極樂之嘉賓。見賢思齊。當仁不讓。豈肯因循怠忽。以致一錯而成永錯乎哉。有血性漢子。斷斷不肯生作行肉走尸。死與草木同腐矣。勉旃勉旃。

印光法師淨土決疑論曰。如來爲一大事因緣故。出現於世。所謂大事因緣者。欲令衆生。開示悟入佛之知見。直下成佛而已。豈有他哉。無奈衆生。根有大小。迷有淺深。不能直下暢佛本懷。因茲隨機設教。對病發藥。爲實施權。開權顯實。於一乘法。作種種說。或有善根成熟者。令其誕登覺岸。其有惡業深厚者。令其漸出塵勞。曲垂接引。循循善誘。雖天地父母不能喻其少分矣。又以一切法門。皆仗自力。縱令宿根深厚。徹悟自心。倘見思二惑。稍有未盡。則生死輪迴。依舊莫出。況既受胎陰。觸境生著。由覺至覺者少。從迷入迷者多。上根猶然如是。中下又何待言。斷見惑如斷四十里流。況思惑乎。了生脫死。豈易言哉。以是不能。曾被三根。暢佛本懷。唯念佛求生淨土一法。專仗彌陀宏誓。願力無

論善根之熟與未熟。惡業之若輕若重。但肯生信發願持佛名號。臨命終時。定蒙彌陀垂慈接引。往生淨土。俾善根熟者。頓圓佛果。卽惡業重者。亦預聖流。乃三世諸佛度生之要道。上聖下凡共修之妙法。由是諸大乘經。咸啓斯要。歷代祖師莫不遵行。

又曰。夫釋迦彌陀。於往劫中。發大誓願。度脫衆生。一則示生穢土。以穢以苦。折伏而發遣。一則安居淨土。以淨以樂。攝受而鈞陶。汝只知愚夫愚婦亦能念佛。遂至藐視淨土。何不觀華嚴入法界品。善財於證齊諸佛之後。普賢菩薩乃教以發十大願。王迴向往生西方極樂世界。以期圓滿佛果。且以此普勸華藏海衆。乎夫華藏海衆。無一凡夫二乘。乃四十一位法身大士。同破無明。同證法性。悉能乘本願輪。於無佛世界。現身作佛。又華藏海中淨土無量。而必迴向往生西方極樂世界者。可知往生極樂。乃出苦之玄門。成佛之捷徑也。以故自古迄今。所有禪教律叢林。無不朝暮持佛名號。求生西方也。

印光法師與高邵麟居士書曰。佛說一切大小權實法門。皆須仗已功力。斷惑證真。方出生死。若惑業有一絲毫。生死決定難出。是以從生至生。從劫至劫。展轉修持。或有力量充足。直進不退。卽能了脫者。多皆旋覺忽迷。暫進久退。經塵點劫。不能出離。所以爾我今日尙爲凡夫。皆坐不知如來曾被三根至極圓頓之淨土法門故也。汝縱未親知識。亦曾誦彌陀經。無量壽經。十六觀經。及各淨土發願文。龍舒文。歸元直指。彼皆令卽生往生。汝偏欲展轉來生。佛愍衆生無力斷惑。難了生死。故特開

一仗佛慈力、帶業往生之橫超法門。無論斷惑與否。若具真信切願。持佛名號。此是正行及修行衆善迴

向往生。此是助行無一不得生者。即五逆十惡之人。臨終地獄相現。若心識不迷。聞善知識。教以念佛求

生西方。若念十聲。或止一聲。當下命終。亦得往生。此在十六觀經下品誠言。既往生已。即已高預海會。永

出輪迴。漸次進修。以圓佛果。若此逆惡罪人。不聞此不思議法。經塵點劫。難出地獄。餓鬼畜生。皆難

得。況欲得人身而修行了生死耶。當須發決定心。臨終定欲往生西方。且莫說碌碌庸人之身。不願

更受。即爲人天王身。及出家爲僧。一聞千悟。得大總持。大弘法化。普利衆生之高僧身。亦視之若毒

荼。罪藪決定不生一念欲受之心。如是決定。則已之信願行。方能感佛佛之誓願。方能攝受感應。道

交蒙佛接引。直登九品。永出輪迴矣。三皈五戒。爲入佛法之初門。修餘法門。皆須依此。而入況即生

了脫之至簡至易。至圓至頓之不思議淨土法門耶。不省三業不持五戒。即無復得人身之分。況欲

得蓮華化生。具足相好光明之身耶。汝日暮途遠。宜從徑直之法。且專門讀誦淨土三經。及普賢行

願品。研究淨土諸經注疏。若諸語錄。金剛法華。且先置之度外。以事宜急先。心二無用故也。

蓮池大師曰。妄念是病。念佛是藥。久病非片劑所能療。積妄非暫念所能除。其理一也。莫管他妄念

紛飛。只貴在念佛精切。字字分明。句句接續。極力執持。方有趨向。分所謂真積力久。而一旦豁然。喻

如磨杵作鍼。鍊鐵成鋼者。定不誣也。入道多門。唯此一門最爲捷徑。不可忽。不可忽。

又曰。此道至玄至妙。亦復至簡至易。以簡易故。高明者忽焉。夫生死不離一念。乃至世出世間萬法。

皆。不。離。一。念。今。卽。以。此。念。念。佛。何。等。切。近。精。實。若。覷。破。此。念。起。處。卽。是。自。性。彌。陀。卽。是。祖。師。西。來。意。縱。令。不。悟。乘。此。念。力。往。生。極。樂。且。橫。截。生。死。不。受。輪。迴。終。當。大。悟。耳。願。放。下。萬。緣。十。二。時。中。念。念。提。撕。是。所。至。望。

又曰。古人教親近明師。求善知識。而善知識實無口傳心授祕密法門。只替人解黏去縛。便是祕密。今但執持名號。一心不亂。此八箇字。卽是解黏去縛祕密法門。卽是出生死堂堂大路。朝念暮念。行念坐念。念念相續。自成三昧。莫更他求也。

又曰。眞信淨土決志往生者。不論已悟未悟。其從事單傳直指而未悟者。雖日以參禪爲務。不妨發願往生。以未能不受後有。畢竟有生處故。不是偷心歧路心也。其已悟者。古人云。汝將謂一悟便可上齊諸佛乎。故普賢爲華嚴長子。雖塵塵華藏。在在蓮邦。而行願品必拳拳乎以往生安樂爲言也。已悟尙然。未悟可知矣。

覺明妙行菩薩示達本曰。汝欲究明心地。極爲有志。但你一肚皮砂鉛水火。本來面目。眞空眞淨等話。實實塞却。如何做得。你若要做。必須將此一絡索。拋向東洋大海。始得不然。枉却用心。誤用工夫矣。不如的的確確。念一句阿彌陀佛。明心在。是生極樂。在。是一舉而兩得。極是便宜也。西方確指。時諸弟子咸再拜。願更聞法要。菩薩曰。善哉善哉。汝等願更聞法要。當誠解我語。善答我問。諸弟子。譬如有人謂一人言。燕京帝王所都。富貴無比。是人聞言。有志往否。咸曰。願往。菩薩曰。汝不識路徑。

當云何。咸曰：有人指示，從之而行。菩薩曰：不可。倘是人指以向南向東，若不明辨，竟從其言，則燕都遠之。又遠矣。衆曰：然則如何。菩薩曰：畢竟得一走過燕都之人，教是人曰：汝須向北而往，便可直達。帝所諸弟子，此人所指，有錯謬否。咸稽首曰：無謬。菩薩曰：又譬如有人欲登萬仞之巔，九層之頂，當如何教之。咸曰：從卑至高。菩薩曰：然。古云：千里之行，始於足下。須是從第一級第二級，乃至最上一級，方爲正說。若云：一步便跨到最高處，爲浪語矣。又譬如有人天子將命以官，詔是人曰：汝願爲宰相耶。小吏耶。是人云：何上答。咸曰：必願爲宰相。菩薩曰：然。又譬如有人，在於歧路，不知所從，有憫之者，指曰：是邊極難險，極曲折，不得便出頭。是邊極正大，極平坦，走去便出得頭。其人受指，於此兩邊當走何路。咸曰：走正大，走平坦。菩薩曰：善哉，善哉。爾等訓我所問，俱合正理。然爾等能明解我所喻否。咸再拜曰：唯垂開示。菩薩曰：善聽。爾等向來雖有求道之心，而不識修行之要，趨向無據。如人欲往燕都而不知路徑者，是若遇邪師教以邪法，如帝都在北而反指以往東南者，是則其人雖終日行而茫無歸宿，何由覲至尊。何由成大道。今我所示彌陀淨土，帝都也，信願行三，勤加精進，終至往生。是從第一級至最上一級也。期登上品，是願爲宰相，不願爲小吏也。依此而修，是走正大而不行邪曲也。我卽走過燕都之人也。若爾等不能深信，是捨帝都而趨邊地也。棄宰相之尊而就小吏之賤也。背正大而求艱僻也。萬仞之巔，九層之塔，頂非爾所及矣。可勝悲痛哉。（西方確指）

宋丞相鄭清之曰：今之學佛者，不過禪教律，究竟圓頓，莫如禪。非利根上器，神領意解者，未免蹈頑。

空之失。研究三乘莫如教。非得魚忘筌。因指見月者。未免鑽故紙之誚。護善遮惡莫如律。非身心清淨。表裏如一者。未免自纏縛之苦。總而觀之。論其所入。則禪教律。要其所歸。則戒定慧。不由禪教律。而得戒定慧者。其唯淨土之一門乎。方念佛時。口誦心惟。諸惡莫作。豈非戒繫。念淨。境幻。塵俱滅。豈非定。念實。無念。心華湛然。豈非慧。人能屏除萬慮。一意西方。則不施棒喝。而悟圓頓機。不閱大藏經。而得正法眼。不持四威儀。中而得大自在。不垢不淨。無纏無脫。當是時也。孰爲戒。定。慧。孰爲禪。教。律。我心佛心。一無差別。此修淨土之極致也。八功德水。金蓮花臺。又何必疑哉。

蓮池大師曰。徑路修行者。路小而捷。名徑。小喻念佛爲力之簡易。捷喻念佛成功之迅速。善導大師偈云。唯有徑路修行。但念阿彌陀佛是也。故云餘門學道。名豎出三界。念佛往生。名橫出三界。如蟲在竹。豎則歷節難通。橫則一時透脫。餘門之比念佛。則念佛爲速矣。念佛復有多門者。如實相念佛。四種。乃至萬行迴向等。實相之佛。雖云本具。而衆生障重。解悟者希。下此數門。觀像則像去還無。因成間斷。觀想則心麤境細。妙觀難成。萬行。則所作繁多。重處偏墜。唯此持名一法。簡要直捷。但能繼念。便得往生。古人謂既得見彌陀。何愁不開悟。則不期實相而實相契焉。故念佛爲修行徑路。而持名又念佛中之徑路也。

桐江法師云。成佛有橫豎二出。豎出者。聲聞修四諦。緣覺修十二因緣。菩薩修六度萬行。此涉境位。譬如及第。須有才學。又如歷任轉官。須有功效。橫出者。念佛求生淨土。譬如蔭敘。功由祖父他力。不

問學業有無。又如覃恩普轉、功繇國王。不論歷任淺深。其難易有迴殊矣。
蓮宗寶鑑云。娑婆濁境。衆苦集而求道難。成淨土樂。邦諸善聚而位登不退。稱名號者。諸佛護念。而往生發菩提者。彌陀光照而增進。菩薩羅漢與其同儔。水鳥樹林悉皆念佛。耳畔常聞妙法。心中頓絕貪瞋快樂。無窮壽量。何極一生彼土。便不退轉。豈比人天道中。觸目多諸違順。權乘路上。善根希有。周圓所以三乘之士。歷阿僧劫而功行難成。念佛之門。於彈指頃而往生安養。初學機淺。非他力難以進修。我佛願深。但有緣悉皆攝受。餘門學道。如蟻子上於高山。淨土往生。似風帆行於順水。彌陀接引。直趣菩提。衆聖提攜。高超三界。上品卽登佛果。下生猶勝天宮。普信不疑。同修不退。
西方公據云。諸善人。世間有千條萬條路。如何只勸人念佛。人之念頭所係甚重。牽魂引魄。造命生身。莫不由此。念善上天堂。念惡下地獄。一念直爲人。一念橫爲畜。如何是餓鬼。只因念不足。念覺還成魔。念佛便成佛。若要免六道。除非只念佛。若還不念佛。一失下人身。萬劫難再得。所以釋迦如來。教人念佛。遠公法師。教人念佛。念佛不能了生死。佛祖如何肯誤人。念佛不成佛。其過不在佛口。念心不念。雖念如未念。饒你一生也不當一聲。念字從心。原不從口。而念一生心。聲隨口出。心佛口佛。兩不可廢。千佛萬佛。如何只念阿彌陀佛。以其原有四十八願。誓度盡十方衆生。其中有曰。若十方世界一切衆生。能稱我阿彌陀佛名號。而不生我國者。誓不成佛。其土具載阿彌陀經。是名西方極樂世界。嗚呼。人間富貴。百歲成空。天上繁華。千年則止。一入西方極樂世界。便有無量之壽。而其往

生之法、又只憑一句彌陀。世間有這樣極便宜好事、卻不肯幹。又到那裏著鐵鞋而問至道。而今而後、急須發下誓願。若某不念佛、不求生西方極樂世界、則爲鬼而永墮北陰酆都地獄。已而已而。三藏十二部、讓與別人悟。八萬四千門、饒與别人行。一句南無阿彌陀佛之外、不用一字。各自去掃淨室、一間供佛像一尊、每日燒清香一爐、換淨水一盥、夜來上明燈一盞、紙畫木雕、卽同眞佛。早晚朝參、必誠必敬、一串數珠不離手、一句彌陀不離口。高聲念、低聲念、六字念、四字念、緊急念、緩念、朗念、默念、合手念、跪膝念、面佛念、朝西念、敲魚念、掐珠念、行道念、禮拜念、獨自念、同衆念、在家念、在外念、閒也念、忙也念、行也念、住也念、坐也念、臥也念、連夢中也念、纔是眞念、念得心酸、淚下、念得火滅灰寒、念得神號鬼哭、念得天喜地歡、鑊湯在後、蓮池在前、雖千萬人阻我、我不念不可得也。

第二章 所以求生淨土之理由

吾人現前一念之心、全眞成妄、全妄卽眞。終日不變、終日隨緣。夫不隨佛界之緣而念佛界、便念九界。不念三乘、便念六凡。不念人天、便念三途。不念鬼畜、便念地獄。以凡在有心、不能無念、以無念心體、唯佛獨證。自等覺已還、皆悉有念。凡起一念、必落十界。更無有念出十界外。以十法界更無外故。每起一念、爲一受生之緣。果知此理、而不念佛者、未之有也。若此心能與平等大慈大悲、依正功德、以及萬德洪名相應、卽念佛法界也能與菩提心六度萬行相應。卽念菩薩法界也。以無我心與十